

NOTA DE PRENSA

Próximo inicio de tempada 2023-24 do Club de Lectura #BiblioMARCO

Organizado pola Biblioteca-Centro de documentación, é unha actividade concibida como espazo de encontro e intercambio de experiencias para persoas interesadas na relación entre literatura e a arte nas súas múltiples manifestacións.

O vindeiro martes 3 de outubro ás 9.00 abrirase o prazo de inscrición, gratuíta e con prazas limitadas a 15 participantes por grupo.



INFORMACIÓN e INSCRICIÓNS a partir do 3 de outubro, ás 9.00
(*Non se terán en conta as solicitudes recibidas antes desa data e horario*)

Exclusivamente a través do correo-e centro.documentacion@marcovigo.com

As persoas interesadas indicarán: nome, apelidos, teléfono de contacto, grupo/s no/s que lle gustaría participar, por orde de preferencia, e se son membros da AAM (no seu caso). Máximo 1 solicitude de alta por correo-e recibido.

Capacidade máxima de 15 participantes por grupo (reserva 20% para membros AAM)

Club de Lectura #BiblioMARCO

TEMPADA 2023-2024

A partir do mes de outubro, a Biblioteca-Centro de Documentación do MARCO reinicia as actividades do seu **Club de Lectura**, con tres novos grupos (dous presenciais e un virtual), cada un limitado a 15 participantes. As sesións terán lugar unha vez ao mes.

Lugar: sala de lectura. Biblioteca-Centro de documentación do MARCO (1º andar) / Zoom na sesión virtual

Horario: de 19.00 a 20.30

Datas:

GRUPO 1 [virtual] = 3º xoves de cada mes

Presentación - 1ª sesión GRUPO 1: xoves **19 de outubro**

GRUPO 2 [presencial] = 4º mércores de cada mes

Presentación - 1ª sesión GRUPO 2: mércores **25 de outubro**

GRUPO 3 [presencial] = 4º venres de cada mes

Presentación - 1ª sesión GRUPO 3: venres **27 de outubro**



O Club #BiblioMARCO é unha actividade gratuíta, concibida como espazo de **encontro e intercambio de experiencias para persoas interesadas nas artes en xeral**. Os eixes argumentais das novelas están relacionados coa arte nas súas distintas manifestacións, e cada sesión está acompañada con material de apoio e catálogos que, máis alá da lectura en si, establecen **relacións con obras e movementos artísticos, música e cinema**, o que converte o club #BiblioMARCO nunha experiencia diferente que axuda a afondar nos contidos da creación contemporánea. O obxectivo é constituír un espazo de debate e pensamento crítico en torno aos múltiples temas que aparecen nos libros e achegar, por esta vía, a arte contemporánea a novos públicos.

A iniciativa xorde na tempada 2019-2020, con tres grupos presenciais. En 2020-2021 créanse catro grupos para compensar a redución de aforo debida á crise da Covid: tres presenciais e outro virtual, a través da plataforma ZOOM. A organización deste **grupo telemático**, derivado das restricións sanitarias, revelouse ao mesmo tempo como unha oportunidade que abría novas vías de participación

e accesibilidade. Así pois, nesta nova tempada decidiuse manter a modalidade virtual, que permite sumar persoas interesadas dende lugares máis afastados, e superar limitacións físicas, mellorando así as oportunidades de acceso á cultura. Todo iso contribúe a unha sensación de comunidade que fai de #BiblioMARCO un espazo de intercambio e achegamento intelectual e tamén afectivo.

En ocasións, as sesións están acompañadas de **actividades paralelas**. Entre as máis recentes, a visita guiada á exposición de Andrea Costas Lago, a proxección e coloquio do documental “Capturing Lee Miller” e a presentación do documental “Escribir lo imposible” acompañado dunha conversa co escritor Juan Tallón e o director Simone Saibene.



CONSULTA [AQUÍ](#) a memoria de LECTURAS e ACTIVIDADES paralelas de anteriores tempadas.

Biblioteca-Centro de Documentación

A Biblioteca-Centro de Documentación do MARCO, situada no 1º andar do Museo, é un servizo gratuíto que ten como obxectivo proporcionar información bibliográfica, hemerográfica e audiovisual sobre a arte do século XXI e outros aspectos relacionados coa cultura contemporánea. O fondo bibliográfico ascende a 8.256 publicacións que abranguen áreas como teoría da arte, filosofía, historia, pedagogía, museología, movementos artísticos ou coleccións. O corpo principal da Biblioteca son monografías, catálogos de artistas e catálogos colectivos, ademais dunha hemeroteca de revistas especializadas.

HORARIO:

Martes, mércores e xoves: de 11.00 a 14.15 e de 17.00 a 20.00 / Venres, de 11.00 a 14.15 (agás festivos)

Disponibilidade de cita previa para persoal investigador, fóra deste horario.

Consultar posibilidades en: centro.documentacion@marcovigo.com

Contacto Dpto. Comunicación e prensa

Marta Viana Tomé

Tel. +34 986 113900 ext. 308 / 886 129061

comunicacion@marcovigo.com